

სახელმწიფო შესყიდვების შესახებ ხელშეკრულება № 113

ქ. თბილისი

2022 წ.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ და სახელმწიფო შესყიდვების სააგენტოს თავმჯდომარის 2017 წლის 14 ივნისის ბრძანებით დამტკიცებული „ელექტრონული ტენდერის ჩატარების წესის“ საფუძველზე, შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები წინამდებარე ხელშეკრულება დადებულია:

ერთის მხრივ, სსიპ ღვინის ეროვნული სააგენტო (შემდგომში „შემსყიდველი“)
იურიდ. მისამართი: ქ. თბილისი, მარშალ გელოვანის გამზ. №6
და მეორეს მხრივ, შპს ჯიფესერვისი (შემდგომში „მიმწოდებელი“) შორის.
იურიდ. მისამართი: ქ. თბილისი, ფეიქრების 14 ა

3. ხელშეკრულების საგანი

სააგენტოს საკუთარი სახსრებით (ქვეპროგრამა „მევენახეობა - მეღვინეობის განვითარების პროგრამის მართვა და ადმინისტრირება“) სსიპ - ღვინის ეროვნული სააგენტოს სარგებლობაში არსებული 1 (ერთი) ერთეული ავტოსატრანსპორტო საშუალებისათვის ტექნიკური მომსახურების (CPV კოდი: 50100000) შესყიდვა, ელექტრონული ტენდერის საშუალებით (სატენდერო განცხადების №NAT220007492). ცალკეული საქონლისა და მომსახურების ღირებულებები მოცემულია დანართი №1-ში, რომელიც თან ახლავს ხელშეკრულებას და წარმოადგენს მის განუყოფელ ნაწილს.

4 მომსახურების გაწევის ვადები, ადგილი და ღირებულება

- 4.1. სახელშეკრულებო ღირებულება შეადგენს 7 000 (შვიდი ათასი) ლარს, ხოლო პრეისკურანტის საერთო ღირებულება შეადგენს 127 466.87 (ას ოცდაშვიდი ათას ოთხას სამოცდაექვსი ლარი და 87 თეთრი) ლარი საქართველოს კანონმდებლობით დადგენილი შესაბამისი გადასახადების გათვალისწინებით.
- 4.2. ხელშეკრულების საბოლოო ღირებულება განისაზღვრება ფაქტიურად გაწეული მომსახურების ფარგლებში გაფორმებული მიღება-ჩაბარების აქტების შესაბამისად, მაგრამ არაუმეტეს ხელშეკრულების საერთო სავარაუდო ღირებულებისა.
- 4.3. გასაწევი მომსახურების/საქონლის ერთეულისფასები მოცემულია დანართი №1-ში, რომელიც ხელშეკრულებას თან ერთვის და მის განუყოფელ ნაწილს წარმოადგენს.
- 4.4. მიმწოდებლის მიერ ხელშეკრულების დანართში დაფიქსირებული ფასები არის მაქსიმალური, ხოლო

ყოველკონკრეტულ შემთხვევაში ტექნომსახურეობა ახალი სათადარიგო ნაწილებით უნდა განხორციელდეს იმ დღისათვის მიმწოდებლის სერვისცენტრში დაფიქსირებული ფასით, რომელიც შეიძლება იყოს ნაკლები ხელშეკრულების დანართში არსებულ ფასებთან და არ უნდა აღემატებოდეს მათ.

4.5. მიმწოდებელსა და შემსყიდველის წარმომადგენლის მიერ დათვალიერების აქტის (დეფექტური აქტის) შედგენის შემთხვევაში ხელშეკრულების დანართში არარსებული მომსახურების/საქონლის შესყიდვის საჭიროების შემთხვევაში მომსახურების/საქონლის ფასი დგინდება საბაზრო ფასის გათვალისწინებით, რაზეც გაფორმდება შესაბამისი შეთანხმება (სახელშეკრულებო ღირებულების შეუცვლელად).

5. მხარეთა უფლება-მოვალეობანი

5.1. მიმწოდებელი ვალდებულია გაუწიოს მომსახურება შემსყიდველს ეტაპობრივად, მოთხოვნის შესაბამისად, ხელშეკრულების გაფორმებიდან 2022 წლის 26 დეკემბრის ჩათვლით.

5.2. მიმწოდებელი პასუხისმგებელია გაწეული მომსახურების/საქონლის ხარისხსა და დროულობაზე. იგი ვალდებულია შემსყიდველის კუთვნილ ავტომობილებს მოემსახუროს ოპერატიულად დარიგდებულად.

5.3. მიმწოდებელი ვალდებულია გაუწიოს შემსყიდველს მოთხოვნილი მომსახურება (ახალი სათადარიგო ნაწილებით) დაკვეთის მიღებიდან არაუმეტეს 5 დღის ვადაში. თუ მომსახურება ეხება დეფიციტურ დეტალს ან სამღებრო-სათუნუქე სამუშაოებს, ვადა შეიძლება გაგრძელდეს მხარეთა შეთანხმებით.

5.4. მიმწოდებელი ვალდებულია უზრუნველყოს „მობილური ჯგუფებით“ მომსახურების გაწევა საქართველოს ტერიტორიაზე, „მობილური ჯგუფის“ გამოძახების დაფიქსირებიდან არაუგვიანეს ერთი კალენდარული დღის ვადაში მიმწოდებელი ვალდებულია დანიშნულების ადგილზე მიავლინოს შესაბამისად აღჭურვილი „მობილური ჯგუფი“ და განახორციელოს შესაბამისი მომსახურება არაუმეტეს 2 (ორი) კალენდარული დღის ვადაში. მომსახურების გაწევის შეუძლებლობის შემთხვევაში ავტოსატრანსპორტო საშუალებების „მიმწოდებლის“ სერვისცენტრ(ებ)ში გადაყვანა (შემდგომში შეკეთების მომსახურების გაწევის მიზნით) წარმოადგენს „მიმწოდებლის“ ვალდებულებას.

5.5. მიმწოდებელმა მომსახურების გაწევის პროცესში უნდა გამოიყენოს ახალი და არა მეორადი სათადარიგო ნაწილები.

5.6. მომსახურების/საქონლის მიწოდება უნდა განხორციელდეს მიმწოდებლისა და შემსყიდველის წარმომადგენლების მიერ თითოეულ კონკრეტულ შემთხვევაში ავტოსატრანსპორტო საშუალებების დათვალიერების აქტის (დეფექტური აქტი) შედგენის შედეგად. შემსყიდველისა და მიმწოდებლის წარმომადგენლების მიერ შედგენილ დათვალიერების აქტში (დეფექტური აქტში) მოცემული უნდა იყოს: ავტომობილის მარკა, მოდელი და ავტომობილის სანომრე ნიშანი, გასაწევი მომსახურების ან/და სათადარიგო ნაწილების (ახალი სათადარიგო ნაწილები) დეტალური აღწერა, მათი ღირებულებები, აგრეთვე მომსახურების დაწყებისა და დასრულების ვადები.

5.7. მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს.

5.8. შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.

5.9. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

6. გაწეული მომსახურების მიღება-ჩაბარების წესი

მომსახურების გაწევა დასტურდება მხარეთა შორის გაფორმებული მიღება-ჩაბარების აქტით. მიღება-ჩაბარების აქტი ფორმდება ელექტრონული ფორმით და დასტურდება მხარეთა უფლებამოსილი წარმომადგენლების კვალიფიციური ელექტრონული ხელმოწერით ან/და კვალიფიციური ელექტრონული შტამპით.

7. ხელშეკრულების შესრულების კონტროლი

7.1. შემსყიდველი უფლებამოსილია, მომსახურების გაწევის ნებისმიერ ეტაპზე, განახორციელოს წინამდებარე ხელშეკრულების შესრულების კონტროლი. ასეთ შემთხვევაში, კონტროლს განახორციელებს სსიპ ღვინის ეროვნული სააგენტოს სამეურნეო სამმართველო.

7.2. შემსყიდველის შესაბამისი წარმომადგენლის (საჭიროების შემთხვევაში ასევე მოწვეული ექსპერტი) მიერ მომსახურების წუნის აღმოჩენის შემთხვევაში, მიმწოდებელი ვალდებულია წერილობითი შეტყობინების მიღებიდან დაუყოვნებლივ გამოასწოროს წუნი. იმ შემთხვევაში თუ არასათანადო მომსახურების (წუნის) გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, მიმწოდებელი ვალდებულია შემსყიდველს დაუბრუნოს აღნიშნული არასათანადო (წუნდებული) მომსახურების ღირებულება;

7.3. ამ მუხლის 7.2 პუნქტით გათვალისწინებული არასათანადო მომსახურების გამოსწორება უნდა განხორციელდეს ამ ხელშეკრულების ვადის გასვლამდე.

8. გაწეული მომსახურების ხარისხი

8.1. მიმწოდებელი იძლევა გარანტიას, რომ მის მიერ გაწეული მომსახურება/საქონელი არ გამოავლენს ხარვეზებს, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება.

8.2 მიმწოდებლის მიერ შეცვლილ/შეკეთებულ სათადარიგო ნაწილებზე (გარდა საცხებ-საპოხი მასალებისა, ფილტრებისა და სამუხრუჭე ხუნდებისა) გარანტია ვრცელდება მიღება-ჩაბარების აქტის გაფორმებიდან 6 (ექვსი) თვის განმავლობაში.

9. ანგარიშსწორება

9.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, ამ ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2 შემსყიდველი იღებს ვალდებულებას გადაუხადოს მიმწოდებელს ფაქტობრივად გაწეული მომსახურების ღირებულება შესაბამისად გაფორმებული მიღება-ჩაბარების აქტის საფუძველზე, მისი გაფორმებიდან 10 (ათი) სამუშაო დღის ვადაში.

9.3 თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

10. ფასები

10.1. წინამდებარე ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით და დასტურდება ორივე მხარის უფლებამოსილი წარმომადგენლების ელექტრონული ხელმოწერით ან/და ელექტრონული შტამპით.

11.2 თუ წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შესაბამისი ინფორმაციის თაობაზე შეატყობინოს მეორე მხარეს.

12. უფლებების გადაცემა

12.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

13.1 წინამდებარე ხელშეკრულების მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული გარემოებით.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, საბიუჯეტო ასიგნებების მკვეთრი შემცირებით და სხვა.

13.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ, პირველივე

შესაძლებლობისთანავე, მაგრამ არაუგვიანეს ასეთი გარემოების დადგომიდან 5 (ხუთი) დღის ვადაში, წერილობით აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

14. მხარეთა პასუხისმგებლობა ხელშეკრულების პირობების დარღვევისათვის

14.1 ხელშეკრულების მე-5 მუხლით გათვალისწინებული მომსახურების გაწევის ვადების გადაცილების შემთხვევაში მიმწოდებელს ეკისრება პირგასამტეხლო ყოველ გადაგადაცილებულ დღეზე კონკრეტული გასაწევის მომსახურების ღირებულების 0.02%-ის ოდენობით.

14.2 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველს უფლება აქვს შეწყვიტოს ხელშეკრულება და მოითხოვოს მიმწოდებლისაგან ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

14.3 მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 20%-ის ოდენობით, ხოლო ხელშეკრულების ნაწილობრივ შესრულების შემთხვევაში - პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

14.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

15. ხელშეკრულების შეწყვეტა

15.1 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 5 დღით ადრე.

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ მიმწოდებლის მხრიდან ადგილი ექნება მის მიერ ნაკისრი ვალდებულებების შეუსრულებლობას ან არაჯეროვნად შესრულებას

გ) საქართველოს კანონმდებლობით გათვალისწინებულ სხვა შემთხვევებში.

15.6. ამ მუხლის 15.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

15.7. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

16. დავების გადაწყვეტის წესი

16.1 ხელშეკრულების შესრულებასთან დაკავშირებით მხარეთა შორის წარმოშობილი ნებისმიერი დავა წყდება ურთიერთშეთანხმების გზით.

16.2 მხარეთა შორის (მოლაპარაკების დაწყებიდან 5 დღის ვადაში) შეუთანხმებლობის შემთხვევაში დავას წყვეტს სასამართლო საქართველოს კანონმდებლობით დადგენილი წესით.

16.3. წინამდებარე მუხლის 16.1. პუნქტით გათვალისწინებული მოლაპარაკების პროცესი იწყება ხელშეკრულების ერთი მხარის მიერ მეორე მხარისთვის გაგზავნილი წერილობითი შეტყობინებით.

17. ხელშეკრულების მოქმედების ვადა სხვა პირობები

17.1. წინამდებარე ხელშეკრულება ძალაში შედის ხელშეკრულების გაფორმების მომენტიდან და მოქმედებს 2023 წლის 31 იანვრის ჩათვლით.

17.2. ხელშეკრულება შედგენილია ელექტრონული ფორმით და დამოწმებულია ელექტრონული ხელმოწერით ან/და ელექტრონული შტამპით.

18. მხარეთა რეკვიზიტები:

შემსყიდველი

სსიპ - ღვინის ეროვნული სააგენტო

თავმჯდომარე
ლევან მეხუზლა

ს/კ 204446965

იურიდ. მის.: ქ. თბილისი, მარშალ გელოვანის გამზ. №6

საბანკო რეკვიზიტები: სახელმწიფო ხაზინა, კოდი

ბ.კ. TRESGE22; ა/ა 200122900

ტელ.: 2 97 41 03

მიმწოდებელი

შპს ჯიეფსერვისი

დირექტორი
გიორგი ფილფანი

ს/კ 200218674

იურიდ. მის.: ქ. თბილისი, ფეიქრების 14 ა

საბანკო რეკვიზიტები: სს „თბილისი ბანკი“

ბ.კ. TBCBGE22

ა/ა GE87TB7637336020100002

ტელ.: 577488009

ლევან მეხუზლა

გიორგი ფილფანი